



REPUBLIKA E SHQIPËRISË
UNIVERSITETI I ARTEVE
REKTORATI

DREJTORIA E MENAXHIMIT TE BURIMEVE NJERËZORE IP-A



Nr. 1165 /2 , prot.

Tiranë, më 12/01/2024

URDHËR

Nr. 5 , Datë 12/01/2024

MBI PROCEDURAT E KONKURIMIT, PËR PUNONJËS MËSIMOR “ASISTENT LEKTOR” NË PROGRAMIN E STUDIMIT PIKTURË TEKSTIL & MODË (PIKTURË, TEKSTIL DHE MODË/ TEKNIKAT E PRERJES DHE TË QEPJES) NJËSIA BAZË ARTE TË APLIKUARA, NË FAKULTETIN E ARTEVE TË BUKURA NË UNIVERSITETIN E ARTEVE

Mbështetur në Ligjin 80/2015 “Për Arsimin e Lartë dhe Kërkimin shkencor në Republikën e Shqipërisë” i ndryshuar, në Statutin e Universitetit të Arteve, Shkresën e Rektoratit, Nr. 1165, datë 24/12/2023 “Mbi procedurat e konkurrimit për punonjës mësimor në Fakultetin e Arteve të Bukura, nga kategoria **As. Lektor, për Programin e Studimit Piktur Tekstil dhe Mode për lëndët: (Pikturë, Tekstil dhe modë dhe Teknikat e prerjes dhe të qepjes)** në UART”, publikuar në Buletinin e Njoftimeve Publike Nr. 103, të datës 26 Dhjetor 2023, duke patur në konsideratë faktin se marrja në punë e personelit në institucionet e AL kryhet me konkurim publik mbi bazën e shpalljes së vendeve të lira dhe përcaktimit të kriterëve për çdo vend pune, plotësimi i të cilave përbën kushtin themelor për konkurimin e kandidatëve dhe punësimin e tyre si punonjës mësimor, vlerësimi i dosjeve të kandidatëve konkurrenues do të kryhen nga Komisioni i Vlerësimit të Kandidaturave (KVK), ngritur posaçërisht për këtë qëllim,

URDHËROJ:

1. Komisioni Ad-Hoc i vlerësimit të kandidaturave që konkurrojnë për punonjës mësimorë në Fakultetin e Artit Skenik , për pozicionin e punës “Asistent Lektor”, **për Programin e Studimit Piktur Tekstil dhe Mode për lëndët: (Pikturë, Tekstil dhe modë dhe Teknikat e prerjes dhe të qepjes)** ngrihet me Urdhër të Dekanit dhe përbëhet nga 5 (pesë) anëtarë;
2. Për ngritjen e komisionit, veprohet në këtë mënyrë:
 - a. 2 (dy) anëtarë të komisionit përzgjidhen nga Pergjegjësi Njesisë Bazë i cili i propozonë Dekanit;
 - b. 2 (dy) anëtarë të komisionit përzgjidhen nga Dekanit ku njëri prej tyre të jetë anëtar i njësisë bazë i cili ka shpallur procedurën e konkurrimit ;
 - c. 1 (një) anëtar emërohet nga Rektori përkatesisht Drejtorja e Drejtorisë së Menaxhimit të Burimeve Njerëzore .



DREJTORIA E MENAXHIMIT TE BURIMEVE NJERËZORE IP-A

3. Komisioni ad hoc organizon, drejton dhe mbikqyr procedurat e zhvillimit të konkurrimit, shqyrton dosjet dhe vleron me pikë kandidaturat e paraqitura mbi bazën e kriterëve të përgjithshme dhe të veçanta për këtë specialitet të publikuara dhe të shpallura publikisht nga Rektorati i Universitetit të Arteve.
Kryetari dhe anëtarët e Komisionit ad hoc janë përgjegjës për mbarëvajtjen e procesit, duke filluar që nga marrja në dorëzim e dosjeve të kandidaturave, zhvillimin e konkurrimit deri në shpalljen e vendimit për vlerësimin, renditjen dhe përzgjedhjen e kandidaturave;
4. Komisioni ad hoc, duhet të përfundojë procedurat e konkurrimit të përcaktuar në urdhër, brenda 10 ditëve nga data e hyrjes në fuqi e këtij urdhëri;
5. Drejtoria e Menaxhimit të Burimeve Njerëzore ndihmon Komisionin ad hoc, mbikqyr dhe kontrollon zhvillimin e procedurave të konkurrimit në përputhje me aktet ligjore të zbatueshme, si dhe njofton periodikisht Rektorin, për ecurinë e tyre. Në rastet kur vërehen shkelje, Drejtoria e Menaxhimit të Burimeve Njerëzore njofton menjëherë Rektorin, i cili mund të vendosë pezullimin e procedurave. Në përfundim të konkurrimit, DMBNJ i paraqet Rektorit një raport me shkrim mbi zhvillimin e procedurave të konkurrimit;
6. Çdo anëtarë i Komisioni ad hoc është i detyruar të shqyrtojë në mënyrë individuale të gjitha dosjet e prezantuara për konkurrim. Komisioni ad hoc bën vlerësimin e dosjeve duke përcaktuar pikët e fituara për çdo dosje;
7. Menjëherë pas përfundimit të vlerësimit të fazës së konkurrimit, Komisioni ad hoc bën mbledhjen e pikëve të fituara për secilin kandidat si dhe përcakton renditjen përfundimtare të kandidatëve sipas pikëve të fituara. Komisioni ad hoc, bën klasifikimin e konkurrentëve, të cilët kanë marrë mbi 60% të pikëve totale (vendosur nga Komisioni ad hoc). Kandidatët me më pak se 60% të pikëve konsiderohen të skualifikuar;
8. Vendimet e Komisionit ad hoc merren me shumicë votash. Anëtarët nuk lejohet të abstenojnë;
9. Renditja përfundimtare e kandidatëve shpallet publikisht nga Komisioni ad hoc;
10. Dekani i Fakultetit i paraqet Rektorit listën e kandidatëve sipas renditjes së pikëve të fituara. Rektori lidh Kontratën e Punës me kandidatin e përzgjedhur;
11. Kandidatët mund të ankohen tek Rektori për renditjen e pikëve shpallur nga Komisioni ad hoc, brenda 5 (pesë) ditëve nga shpallja e kësaj liste. Në këtë rast si dhe në rastet kur Rektori e çmon të nevojshëm verifikimin e procedurave të konkurrimit, dosja e plotë e konkursit i paraqitet menjëherë Rektorit nga Dekani i Fakultetit.



REPUBLIKA E SHQIPËRISË

UNIVERSITETI I ARTEVE

REKTORATI



DREJTORIA E MENAXHIMIT TE BURIMEVE NJERËZORE IP-A

12. Në rastet e përcaktuara më lart, Rektori shqyrton dosjen e konkurimit dhe vendos sipas rastit:

- a. Të mos pranojë ankimin;
- b. Të kthejë dosjen e konkursit për rivlerësim;
- c. Të anulojë konkursin.

13. Ngarkohet Drejtoria e Menaxhimit të Burimeve Njerëzore, Dekani dhe Komisioni ad hoc, për zbatimin e këtij urdhëri. Ky urdhër shpallet në mjediset e Fakultetit dhe u bëhet i njohur kandidatëve para fillimit të konkursit;

14. Ky urdhër hyn në fuqi menjëherë.

Prof. Kastriot ÇAUSHI

REKTOR

UNIVERSITETI I ARTEVE

12/18/83